

KED Renungan

HARAPAN PERCAYA, HIDUP dan MEMBERI

Kebersamaan Dalam Keadaan Baik dan Tidak Baik


ACARAT: **Hari Keluarga Antarabangsa**

TREN MEDIA SOSIAL: **#theyainthevay**

PENGENALAN:

Pada tahun 1993, Perhimpunan Agung Pertubuhan Bangsa-Bangsa Bersatu menyatakan 15 Mei sebagai "Hari Keluarga Antarabangsa". Hari istimewa ini pertama kali disambut pada 15 Mei 1994. Ia diraikan untuk menghormati kepentingan keluarga. Keluarga adalah asas masyarakat. Tahun-tahun pembentukan kita diluangkankan bersama keluarga dan ahli keluarga kita mungkin menjadi orang terpenting dalam hidup kita. Oleh itu, mereka harus diraikan. Marilah kita meluangkan masa pada bulan ini untuk mencari jalan untuk melindungi dan meraikan unit keluarga di masyarakat kita bermula di rumah dengan keluarga kita sendiri.

(Dari: United Nations Message for Day of Families – May 15 2012)



DOA PENUTUP:

Jemput seorang ahli KED untuk melafazkan doa penutup.

Hari ini kita berdoa untuk semua keluarga yang merasa terbeban; mereka yang tidak mampu menghadapi tekanan dan tuntutan kehidupan seharian, mereka yang bermasalah dan merasa tidak ada harapan. Tuhan, sertailah mereka, bawa penghiburan dan ketenangan fikiran, hati dan roh mereka. Beri mereka harapan, damai dan rehat. Bantu mereka untuk tetap setia sebagai sebuah keluarga. Amin

LAGU PENUTUP:

Ratu Bonda Maria

Maria, Ratu, bernyanyilah
 Maria, Bonda, percayalah
 Maria bintang yang bersinar
 Memimpin jalan pada Yesus
 Maria lambang pada bangsa
 Dengan kuasa Roh yang bertakhta
 Menjadi bonda pada Tuhan
 Allah yang dikasihnya

Ave, Ave, Ave Maria
 Ave, Ave, Ave Maria

DOA PEMBUKAAN:

Jemput seorang ahli KED untuk mengatakan doa pembukaan.

Bapa Surgawi, sambil kami memperingati "Hari Keluarga Antarabangsa", perkenankan agar semua keluarga dapat menjadi sumber kehidupan dan cinta sejati. Perkenankan agar rahmat-Mu dapat menuntun pemikiran dan tindakan orang-orang yang dipanggil untuk hidup berkahwin dan menjadi orang tua, sehingga mereka dapat bekerja untuk kebaikan keluarga mereka dan semua keluarga di dunia.

LAGU PEMBUKAAN:

Hidup Ini Suatu Perjalanan

Hidup ini satu perjalanan
Di penghujungnya ada kekekalan
Yang bagi manusia jadi akhir tujuan
Surga atau kecewa
Hidup ini lembaran waktu
Harus kita isi dengan kebenaran
Keluarga Allah saling terbuka tanpa rasa
Takut untuk terluka

Chorus:

*Jadi ker'na dalam Kristus ada nasihat
Ada penghiburan kasih,
ada persekutuan Roh
Ada kasih mesra dan belas kasihan
Sempurnalah sukacita kita
Sehati, sefikir dalam satu kasih
Satu jiwa, satu tujuan
Untuk kemuliaan Allah Bapa kita*

DIALOG:

Thomas dan Eli, yang telah berkahwin selama lebih dari lapan dekad sekarang tinggal di Kerala, India. Mereka berkahwin pada tahun 1932, menjadikan mereka pasangan suami isteri paling lama di India setelah 83 tahun berkahwin. Menurut mereka, ada dua kata untuk hidup berkahwin yang berjaya - cinta dan toleransi. Ibu bapa kepada lapan anak, pasangan itu, juga mempunyai 18 cucu dan 14 cicit. Mereka menyambut ulang tahun perkahwinan mereka yang ke-83 pada 31 Januari 2015 di kampung halaman mereka, Thodupuzha, di daerah Idukki.

Dilahirkan dalam keluarga yang tinggal di sebuah kampung kecil di mana pertanian menjadi sumber pendapatan, mengikut kebiasaan pada masa itu Thomas berkahwin pada usia 18 tahun. Eli, yang juga dilahirkan di daerah yang sama, baru berusia 15 tahun di masa perkahwinan. Semasa pertemuan pertama mereka, iaitu upacara pertunangan, ketika Thomas menatap isterinya Eli, itu adalah salah satu saat paling bahagia dalam hidupnya. Upacara perkahwinan mereka adalah majlis yang sederhana. Foto pertama yang mereka ada ialah setelah mereka menjadi ibu bapa kepada empat orang anak.

Tidak semuanya mudah bagi pasangan ini. Setiap perkahwinan ada pasang surutnya, dan begitu juga untuk mereka. Pasangan ini dalam kehidupan berkahwin mereka telah menderita sama seperti yang mereka raikan. Mereka bukan sahaja kehilangan anak pertama mereka, tetapi keadaan kewangan mereka yang teruk menjadikan hidup lebih sukar. Itu adalah perjuangan yang nyata tetapi mereka berjaya mengharunginya bersama.

"Kami berdua bekerja keras dan sekarang kami gembira", kata Thomas. Tetapi ketika ditanya apakah dia pernah merasa bosan pada mana-mana saat hubungan itu, dia terkejut. 'Bagaimana anda bosan? Tidak pernah pada suatu ketika saya merasa begitu'. Salah seorang anak lelaki mereka, James, juga bersetuju bahawa pasangan itu adalah pasangan yang sempurna dan juga ibu bapa yang hebat.

(Sumber: The News Minute, 26 Januari, 2015)



Kongsikan pendapat dengan para anggota KED anda.

- Apa pendapat anda mengenai rahsia kehidupan perkahwinan yang bahagia dan berjaya?
- Apakah beberapa cabaran utama yang dihadapi keluarga sekarang?
- Apakah cara keluarga dapat terus bersatu dalam masa baik dan duka?

PENDALAMAN:

Galatia 6: 2 – 5

Pikul beban masing-masing dan penuhi hukum Kristus. Sekiranya ada yang menganggap dirinya hebat, padahal sebenarnya dia tidak punya apa-apa, dia menipu dirinya sendiri. Biarlah masing-masing memeriksa tingkah lakunya sendiri dan dia tidak boleh bermegah di hadapan orang lain, akan tetapi akan bersemangat untuk kemajuannya sendiri. Setiap orang akan menjawab perbuatannya sendiri.

RENUNGAN:

- Baca teks dengan suara yang kedengaran dan DENGAR dengan penuh keterbukaan.
- Baca dengan hening sendirian sehingga kamu menjumpai perkataan atau ayat yang menyentuh hatimu.
- Apakah yang dibisikkan oleh Roh Kudus melalui perkataan atau ayat tersebut?
- Apakah bicara kamu kepada Tuhan sebagai balasan kepada Firman-Nya?
- Kongsikan di dalam kumpulan kecil (3-4 orang).

TINDAKAN:

- Untuk pasangan yang sudah berkahwin: Tulis sepucuk surat kepada pasangan anda, mengucapkan terima kasih atas kasih, kesabaran dan pemahaman kepada anda dalam masa baik dan duka.
- Untuk ibu bapa: Tulis surat pendek kepada setiap anak, berterima kasih kepadanya kerana menjadi sebahagian daripada keluarga dan kerana berada di sana untuk satu sama lain dalam masa baik dan duka.
- Untuk anak-anak: Tulis sepucuk surat kepada ibu bapa anda, mengucapkan terima kasih atas kasih sayang dan pengorbanan mereka, dan atas bimbingan mereka di masa-masa baik dan duka.